

Script of Evening Gojri News Bulletin 03 August 2024 at 1700 Hrs

ایوننگ گو جری نیوز بلیٹن مورخہ 03 اگست 2024

یوہ آکا شوانی جموں ہے عبدالمجید تے غلام سرورتیں خبر سُنو۔ پہلاں خاص خاص خبر۔

*1- وزیر اعظم نریندرمو دی نے کہیو ہے جے بھارت مُلک مانہہ استعمال ہون تے اضافی اناج پیدا کرن آلو مُلک ہے تے عالمی سطح ور خوراک غا تحفظ واسطے حل مہیا کرن ور بھارت کم کر ریو ہے۔

*2- جموں کشمیر سرکار نے 5 پولیس اہلکاراں سمیت 6 ملازماں نانہہ منشیات تے دہشت گردی نال تعلق رکھن ور ملازمت تیں برخاست کر دتو ہے۔

*3- ایس ایس بی گا ڈی جی دلجیت سنگھ چودھری نانہہ ڈی جی بی ایس ایف گا عہدہ غو اضافی کم کاج سونپیو گیو ہے۔

*4- تے پیرس اُلپکس مانہہ تیز انداز دپییکا کماری خواتین غا سنگل ایونٹ غا کو ارٹر فائنل مانہہ پُج گئی ہیں۔

خبراں غی تفصیل نال پہلاں عبدالمجید۔

Rev PM Economist

وزیر اعظم نریندرمو دی نے کہیو ہے جے بھارت اپنی ضرورت تیں زیادہ اناج پیدا کرن آلو مُلک ہے تے عالمی سطح ور اناج غا تحفظ تے غذا غا تحفظ واسطے حل مہیا کرن مانہہ بھارت لگو وہ ہے۔ اُنہاں نے کہیو جے سرکار کساناں غی زندگی نانہہ بہتر کرن غا مقصد نال زرعی سیکٹر مانہہ اصلاحات تے اقدامات کر غے مضبوط کر رہی ہے۔ اج نوی دہلی مانہہ زرعی اقتصادی ماہراں غی 32 ویں بین القوامی کانفرنس مانہہ خطاب غے دوران وزیر اعظم نے کہیو جے زراعت سرکار غی اقتصادی پالیسی غو مرکز ہے تے تاں ہی بھارت موٹا اناج، دودھ، دال تے مسالا پیدا کرن آلو بڑو مُلک ہے۔ وزیر اعظم نے کہیو جے بھارت مانہہ 5 سو تیں متا زرعی تعلیم واسطے کالج ہیں تے 7 سو تیں متا کریشی وگیان کیندر کساناں نانہہ نوی تکنیکاں با رے جانکاری فراہم کر رہیا ہیں۔ بھارت کول زرعی تحقیق تے تعلیم غو بہتر نظام موجود ہے۔ وزیر اعظم نے کساناں غا خاطر مانہہ بلواسطہ رقم منتقل کرن بارے بولتاں واں کہیو۔۔۔ بانٹ۔۔۔ اُنہاں نے کہیو جے پچھلا 10 بہراں غے دوران 90 لکھ ہیکڑ زمین لوہکا درجہ ور آب پاشی غے تحت آئی گئی ہے۔ زمین غی کمپیوٹر کاری واسطے اک بڑی مہم غو ذکر کرتاں واں وزیر اعظم مو دی نے کہیو جے کساناں نانہہ اُن غی زمین غو اک ڈیجیٹل شناختی نمبر تے کھیتی باڑی مانہہ ڈراؤنس نانہہ باندو دتو جا ئے گو۔ آکا شوانی نامہ نگار نے خبر دتی ہے جے اس کانفرنس مانہہ 75 ملکاں غا تقریباً 1 ہزار مندو بین حصولے رہیا ہیں۔

Shah Trianga

مرکزی وزیر داخلہ امت شاہ نے تمام شہریاں نانہہ اپیل کی ہے کہ وے ”ہر گھر ترنگا“ مہم نانہہ مزید تقویت دے غے دوہا رہ اسے جوش و جذبہ سنگ اس مہم مانہہ شرکت کریں۔ اک سماجی میڈیا پوسٹ مانہہ وزیر داخلہ نے کہیو کہ وے 9 تیں 15 تا ریخ غے بشکار اپنا اپنا کہراں مانہہ ترنگو لہراویں۔ اُنہاں نے کہیو کہ وزیر اعظم نریندرمو دی غی ”ہر گھر

ترنگا“ مہم گذشتہ دو سالان تیں اک قومی تحریک مانہہ بدل گئی ہے۔ اُن غو کہنو تھو کہ اس مہم غے ذریعے قوم غا بنیا دی اتحاد مانہہ بیداری پیدا ہوئی ہے۔ تاہم اس طرح جناب امت شاہ نے لوکاں تیں اپیل کی کہ وے ترنگا سنگ اپنی سیلفی لے غے

hargartringa.com

پورٹل ور سانجھی وی کریں۔

Official Sacked

مُلک مخالف عنا صر ور نہبرداشت پا لیسے غا سلسلہ مانہہ جموں کشمیر یوٹی سرکار نے 6 ملازماں نانہہ ملازمت تیں برخاست کر دتو ہے۔ ان ملازماں مانہہ پولیس غا سپاہی تے اک ٹیچر شامل ہے۔ ذریعے نے دسیو ہے جے قانون نافذ کرن آلی تے خفیہ ایجنسیاں نانہہ ان غی سرگرمیاں با رے پتو لگو، ان نانہہ ملک مخالف تے دہشت گردی غے متعلق سرگرمیاں مانہہ ملوث پایو گیو تھو۔ جن ملازماں نانہہ ملازمت تیں برخاست کیو گیو ہے اُن غی تفصیل اس طرح ہے۔ صیف دین سلیکشن گریڈ کا انسٹیبل ساکن شیگانی بھلیسہ ڈوڈہ(منشیات غے ذریعے دہشت گردان نانہہ رقومات مہیا کران) نارکو ٹیرر فنڈینگ، فاروق احمد شیخ ہیڈ کانسٹیبل، خالد حسین شاہ ساکنہ ٹنگدار تے رحمت شاہ ساکن کرناہ دوہے سپاہی سرحد پار تیں منشیات، ہتھیار تے رقومات غی تسکری مانہہ ملوث تھا۔ جد کہ ارشاد احمد کچلو سلیکشن گریڈ کا انسٹیبل سیلی کوٹ اوڑی غو بسنیک او جی ڈبلیو غے طور دہشت گردان واسطے کم کرے تھو۔ حذب المجاہدین دہشت گرد تنظیم واسطے تعاون دین آلو نظام دین ٹیچر بسنیک کیرنی حویلی ضلع پونچھ نانہہ وی ملازمت تیں برخاست کیو گیو ہے۔

Khatana

سینئر بی جے پی لیڈر تے راجیہ سبھا مانہہ ممبر پا رلیمان انجینئر غلام علی کھٹانہ نے قومی سطح غا 8 ہائی سپیڈ روڈ کا ریڈور پروجیکٹس نانہہ منظوری دین غا مرکزی سرکار غا فیصلہ غو خیرمقدم کیو ہے۔ مُلک مانہہ گڈیاں غی او جانی مانہہ اک انقلاب لیان غا مقصد نال 936 کلو میٹر آلا ان پروجیکٹاں ور 50 ہزار 6 سو 55 کروڑ روپیا لاگت آوے گی۔ اُنہاں نے کہیو جے اس قدم نال نہ صرف بھارت غو اہم بنیا دی ڈھانچو بہتر وے گو بلکہ یوہ وکست بھارت غا خواب نانہہ پورا کرن مانہہ مدد کرے گو۔ مُلک غا شہریاں غا معیار زندگی مانہہ بہتری تے مُلک مانہہ ترقی بابدہ نانہہ ان اقدامات نال تقویت ملے گی۔

Rev Organ Donation

اج مُلک پھر مانہہ 14 ووں بھارت اعضاء عطیہ با رے تہاڑے منایو جا رہیو ہے۔ صحت تے خاندانی بہبود غی وزارت غے تحت قومی اعضاء عطیہ کرن با رے تنظیم ”نوٹو“ نے نوی دہلی مانہہ اعضاء عطیہ تربیتی پروگرام گو انعقاد کیو۔ اس موقعہ ور صحت تے خاندانی بہبود غی وزیر مملکت انوپریا پاتل نے ان خانداناں غی عزت افزائی کی جنہاں نے دم توڑیا واہ قرار دتا جان تیں بعد اپنا خانداناں غا افراد غا اعضاء عطیہ کیا تھا۔ اُن غو کہنو تھو کہ گذریہ دس سالان مانہہ اعضاء غا عطیہ غی شرح 4 گناہ بدھ غے 18 ہزار 3 سو 78 ہو گئی ہے۔ محترہ پٹیل نے اعضاء عطیہ کرن غا فیصلہ ور ڈاکٹراں تے اہل خانہ غی کوششاں غی تعریف وی کی۔

Kishtwar

پا ڈرمانہ مچیل ماتا غا پو تر ستھان آلا رستہ ور ماحول غی پائیداری تے صفائی ستھرائی برقرار رکھن غا سلسلہ مانہ ڈپٹی کمشنر کشتواڑ ڈاکٹر دیوانش یادو غی سربراہی مانہ سوچھتا پکھواڑہ غے تحت اج سو چھتا مہم چلائی گئی۔ آکاشوانی نامہ نگار نے کشتواڑ تیں خبر توری ہے جے اس مہم مانہ اس وقت جا ری مچیل ماتا غی یا ترا کرن آیا یا تریاں تے مقامی لوکاں نے رضاکارانہ طور ر ور حصو لیو۔ ڈی سی کشتواڑ نے مقامی لوکاں تے یاتریاں نانہ کہیو جے وے اس سالانہ یا ترہ غے دوران صفائی ستھرائی غو دھیان رکھ غے اس نانہ برقرار رکھیں۔

یہ خبر تم آکا شوانی جموں تیں سن رہیا ہیں خبراں غا باقی حصہ نال غلام سرور۔

BSF DG

با ریں جا ری اک سرکاری حکم نامہ مانہ دسیو گیو ہے جے ایس ایس بی غا ڈائریکٹر جنرل دلجیت سنگھ چودھری بی ایس ایف غو اضافی عہدو سنبھالیں گا۔ یاد رہ جے 1989 بیچ غا کیرل کیڈر آئی پی ایس افسر نتین اگروال نانہ جمعے بی ایس ایف غا ڈائریکٹر جنرل گا عہدہ تیں ہٹا دتو تھو۔ مرکزی وزارت داخلہ غی طرفوں با ریں جا ری کیا حکم نامہ مانہ دسیو گیو ہے جے 1990 بیچ غا آئی پی ایس افسر جہیڑا اتر پردیش کیڈر غا ہیں بی ایس ایف غا ڈی جی غو اضافی طور ر ور عہدو سنبھالیں گا۔ جموں خطہ مانہ بھارت پاکستان بین القوامی سرحد غے نال لگتا علاقہ مانہ دہشت گرداں غا حملان جن مانہ فوجی جواناں غی شہادت تے عام شہریاں غی ہلاکت غے پیش نظر سرکار نے بی ایس ایف غا 2 اعلیٰ افسراں نانہ ہٹان گو فیصلو کیو ہے۔

Statehood

جموں نال تعلق رکھن آلی اک درجن تیں زیا دہ سیاسی تے سماجی جماعتاں غی آل پارٹییو نائیڈ فرنٹ نے اج جموں مانہ احتجاج کیو۔ ان غو مطالبو تھو جے عدالت عظمیٰ غی طرفوں 30 ستمبر تک اسمبلی چناؤ کرایا جان گا قرار تیں پہلاں جموں کشمیر غو ریاست غو درجو بحال کیو جا ئے۔ مظاہرین مانہ کانگریس، نیشنل کانفرنس، پی ڈی پی، سی پی آئی ایم تے شیو سینا غا سینئر ممبران شامل تھو۔ مظاہرین توی پُل غے نزدیک بنیا مہاراجہ بری سنگھ غا مجسمہ غے باہر اکھٹا ہوا تے حال ہی مانہ سرکار غی طرفوں جاری حکم جس مانہ لیفٹنٹ گورنر نانہ مزید اختیارات دتا گیا ہیں نانہ واپس لین غی مانگ کر رہیا تھو۔ پر دیش نکانگریس کمیٹی غا سینئر نائب صدر رویندر شرما نے ڈوگرہ ریاست غو رتبو کھٹ کرن تے لوکاں غی شناخت تے حقوق کھسن غو بی جے پی غی قیادت آلی مرکزی سرکار ر ور الزام لایو۔

Doda Blind Cricket

ڈوڈہ غا ضلع ترقیاتی کمشنر ہر ویندر سنگھ نے اج کھیڈ میدان ڈوڈہ مانہ محکمہ سماجی بہبود غے زیر اہتمام بلانڈ کرکٹ ٹورنامنٹ غو افتتاح کیو۔ اس ٹورنامنٹ مانہ جموں کشمیر غا 8 ضلعان تیں 28 شرکاء شامل ہیں۔ آکا شوانی غا نمائند سنگ گل کرتاں واں کھڈاریاں نے کھیڈ مانہ حوصلہ افزائی ور خوشی غو اظہار کیو تے اس طرح کہیو۔۔۔ بانٹ۔۔۔ ضلع ترقیاتی کمشنر نے جسمانی طور ر ور معزور کھلاڑیاں نانہ ان غی نمایاں خدمات واسطے سراپتاں واں اس طرح کہیو۔۔۔ بانٹ۔۔۔

Poonch Exhibition

ضلع پونچھ غا تعلیمی تے تربیتی ادارہ ڈائٹیٹ غی طرفوں اج اک ضلع سطح ور سائنسی نمائش غو انعقاد کرایو گیو۔ جس مانہ پورا خطہ غا طلباء غی اختراعی صلاحیتاں نانہ باندے آئیو گیو۔ اس تقریب مانہ 11 تعلیمی زوناں غا 55 نمونہ پیش کیا گیا۔ ان نموناں غے ذریعے شرکت کرن آلا نوجواناں غی تخلیقی صلاحیتاں تے سیا سی علم نانہ اُجاگر کرنو تھو۔ آکاشوانی نامہ نگار سنگ گل کرتاں واں ڈائٹیٹ غی پرنسپل انجلی گپتا نے دسیو کہ طلباء واسطے اپنی صلاحیتاں نانہ ظاہر کرن با رے اک پلیٹ فارم مہیا کرایو گیو ہے۔ اُن غو کہنو تھو۔۔۔ با ٹ۔۔

Paris Olympc

بھارتی تیر انداز دپیکا کماری نے پیرس اولمپکس مانہ خواتین غی انفرادی تیر اندازی مقابلہ غا کو رٹر فائینل مانہ اج جرمنی غی مشیل کروین نانہ شکست دتی ہے۔ دپیکا نے رونڈ آف 16 میچ مانہ اپنی جرمن حریف غے خلاف 4-6 تین کامیابی حاصل کی ہے۔ واضع رہ جے اس تین پہلاں بھارتی شوٹر منو بھا کر خواتین غی 25 میٹر پستول ایونٹ مانہ چوتھا نمبر ور رہی تھیں۔

اس غے نال ہی خبراں غو یوہ بلیٹن ختم بوؤ۔